



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Totius Tractatus De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

8. Irregularitas.

urn:nbn:de:hbz:466:1-41559

nullum, in quantum præiudicat alicui liti, ob cuius impedimentum est interdictum. Si verò erit causa perpetua, erit nullum simpliciter. Et hoc intelligitur, siue prohibitio Pontificis sit per modum constitutionis, siue præcepti, *li. 7. tota disp. 2.*

6. Interdictus ab ingressu Ecclesiæ potest licitè in ea recipere benedictiones nuptiales, & audire diuina, & facere, quidquid laico licet, & matrimonium inire, *li. 7. disp. 9. nu. 15.*

Irregularitas.

1. Sacerdos ducens viduam est irregularis. Idem, si contrahat cum conditione impossibili vel turpi, *li. 5. disp. 3. nu. 22.* Item est irregularis, liber ducens ancillam. Tamen non peccat contrahendo, *li. 7. disp. 19. nu. 13.*

2. Coniugatus absque vxoris licentiâ recipiens ordinem sacrum, est irregularis, ac officij & beneficij Ecclesiastici incapax, etiâ post solutum matrimonium. At vt incurratur, requiritur dolus, excusatque illum queuis ignorantia iuris vel facti, dummodò non affectata. Item requiritur, quòd matrimonium præcedens sit validum. Et non incurritur, quando promouetur de licentiâ vxoris manentis in sæculo sine voto. Secus dicendum de licentiâ extorta metu vel dolo, aut dissimulante vxore. Item non fit irregularis vir cõiugatus promotus ad ordines minores absque debita licentiâ, nec incurrit suspensionem, quam tulit Sixtus Quintus in suo motu proprio anno 1588.

quia

quinta die Ianuarij, nam Clemens Octauus reuocauit eum anno 1595. die vltimo Februarij. Et si ante reuocationem promotus fuisset, & ita incurrisset irregularitatem Pontifici reseruata in eo inflictam, non manet post reuocationem reseruata, *libr. 7. tota disputat.*

49.

3. Irregularitas homicidij tantum incurritur ob culpam latam, quæ ex ignorantia crassa procedit, *lib. 9. disp. 32. nu. 34.* Item non incurritur ob peccatum veniale. Et idem de interdicto, & suspensione, *ibid. nu. 29.*

4. Irregularitas orta ex defectu natalium tantum deletur per professionem quoad ordines suscipiendos solum; at manente incapaci dignitatum, *lib. 7. disp. 86. nu. 4.*

5. Dispensatio irregularitatis excommunicati, vel interdicti sæpè celebrantis, non petit multiplicem celebrationem explicari, *libr. 8. disp. 24. nu. 7.*

Iudex.

1. Iudex potest terminum præfigere sponsalibus perficiendis, quando datur periculū incontinentiæ, *lib. 10. disp. 53. nu. 9.*

2. Iudex Ecclesiasticus potest compellere partem ad remittendum iuramentum soluendi vsuras, vel metu extortum. Idem potest iudex secularis erga sæculares, quando constat de recipientis turpitudine. Si verò dubium sit, solus Ecclesiasticus erit competens, *lib. 1. disp. 32. nu. 18.*

M 5

3 lu